



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1510483
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

18 նոյեմբերի 2020թ.

Բ. Երևան
(կազմման վայրը)

Ակտի հասցեատեր

Ֆիզիկական անձ Լևոն Արթուրի Արզումանյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

(Նույն. քարտ՝ 007841497, ՀԾՀ՝ 3203940132, Լոռու մ., ք. Ստեփանավան, Տերյան 32)

Խախտման նկարագրությունը

ՀՀ ՊԵԿ ՀՕՀ վարչության պետի 05.11.2020թ-ի թիվ 1510483 որոշման համաձայն ֆիզիկական անձ Լևոն Արթուրի Արզումանյանի նկատմամբ իրականացվել են օպերատիվ-հետախուզական միջոցառումներ: Ձեռնարկված ՕՀՄ-ի արդյունքում պարզվել է, որ ֆիզիկական անձ Լևոն Արթուրի Արզումանյանը առանց համապատասխան պետական գրանցման և հարկային մարմնում հաշվառման 2020թ-ի սեպտեմբեր ամսվա սկզբից մինչև 05.11.2020թ-ը Լոռու մ., ք. Ստեփանավան, Բաղրամյան 47ա հասցեում իրականացրել է ատամնաբուժական ծառայություններ: Նշված գործունեությունից Լևոն Արթուրի Արզումանյանի ձեռնարկատիրական եկամուտը կազմել է 350.000 ՀՀ դրամ

Վերոգրյալը հաստատվել է Լևոն Արթուրի Արզումանյանի կողմից 05.11.2020թ-ին ներկայացված գրավոր հայտարարությամբ:

Թիվ 1510483 արձանագրությամբ 05.11.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացրել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Նկարագրված արարքն առաջացնում է պատասխանատվություն՝ ՀՀ հարկային օրենսգրքի 407-րդ հոդվածի 1-ին մասով, ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

Բացի այդ, նույն հոդվածի 3-րդ մասի համաձայն՝ եթե իրականացվող ապօրինի գործունեությունը, «Լիցենզավորման մասին» Հայաստանի Հանրապետության օրենքի

համաձայն, ենթակա է լիցենզավորման կամ «Գործունեության իրականացման ծանուցման մասին» Հայաստանի Հանրապետության օրենքի համաձայն, ենթակա է ծանուցման, ապա սույն հոդվածի 1-ին և 2-րդ մասերով սահմանված տուգանքներից բացի, խախտումներ կատարած անձանցից գործունեության յուրաքանչյուր տեսակի մասով գանձվում է նաև լիցենզիան տալու կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի (տարեկան պետական տուրքի գանձման օբյեկտի դեպքում՝ մեկ տարվա պետական տուրքի) դրույքաչափին համապատասխան գումարի չափով վնասի հատուցում:

Համաձայն «Լիցենզավորման մասին» ՀՀ օրենքի 43-րդ հոդվածի 1-ին մասի՝ գործունեությունը համարվում է լիցենզավորման ենթակա, եթե այն ընդգրկված է նույն հոդվածում արտացոլված լիցենզավորման ենթակա գործունեության աղյուսակում: Նշված աղյուսակի 3-րդ կետի 3-րդ ենթակետում ընդգրկված է անհատ ձեռնարկատերերի և կազմակերպությունների կողմից բժշկական օգնության և սպասարկման իրականացումը: «Պետական տուրքի մասին» ՀՀ օրենքի 19-րդ հոդվածով սահմանվում են լիցենզավորման ենթակա գործունեություն իրականացնելու նպատակով լիցենզիաներ տալու համար պետական տուրքի դրույքաչափերը: Նշված հոդվածի 2-րդ կետի 2.5 ենթակետի համաձայն բժշկական օգնության և սպասարկման գործունեության համար պետական տուրքը հաշվարկվում է՝ տարեկան բազային տուրքի 50-ապատիկի չափով:

«Պետական տուրքի մասին» ՀՀ օրենքի 8-րդ հոդվածի համաձայն պետական տուրքի դրույքաչափերը սահմանվում են գնահատման ենթակա գույքի արժեքի կամ սույն օրենքով սահմանված բազային տուրքի նկատմամբ: Բազային տուրքի չափ է սահմանվում 1.000 դրամը:

Տվյալ դեպքում Լևոն Արթուրի Արզումանյանի կողմից խախտումը վերջին 1 տարվա ընթացքում կատարվում է առաջին անգամ: Գործունեության ընթացքում ստացված եկամուտը կազմում է 350.000 ՀՀ դրամ, որի 50%-ը կազմում է 175.000 ՀՀ դրամ, այսինքն օրենսդրական պահանջից ելնելով Լևոն Արթուրի Արզումանյանի նկատմամբ կիրառելի է 200.000 ՀՀ դրամի չափով տուգանք, ինչպես նաև 50.000 ՀՀ դրամի չափով վնասի հատուցում:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Լևոն Արթուրի Արզումանյանին գանձման առաջադրել 200.000 ՀՀ դրամի չափով տուգանք և 50.000 ՀՀ դրամի չափով վնասի հատուցման գումար որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածի 1-ին մասով սահմանված տուգանք ընդամենը, որից՝	200.000	պետական բյուջե	900008000490
Հարկային օրենսգրքի 407-րդ հոդվածի 3-րդ մասով սահմանված վնասի հատուցման գումար,	50.000	պետական բյուջե	900008000490
Ընդամենը վճարման ենթակա գումար	250.000	պետական բյուջե	900008000490

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

ընդամենը 3 էջ

Լևոն Արթուրի Արզումանյան

Ֆիզիկական անձի անունը, ազգանունը
(անհատ ձեռնարկավորող դեպքում՝ անհատ
ձեռնարկավոր Նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտոնական պատճեն՝ հարուկ առաքման դեպքում)

ստորագրությունը

” ” 2020թ.

(Նշում ակտը ստորագրելուց և (կամ) ստանալուց հրաժարվելու մասին)